

ՄԱՐՏ

Տարեկան գինը 10 ռուբլի. կես տարվան 6 ռուբլի.
Առանձին համարները 5 կոպեկով.

Թիֆլիսում գրվում են միմյանի խմբագրատան մէջ.

Մեր հասցեն. Тифлис, Редакция «Мшакъ».
Կամ Tiflis, Rédaction «Mschak».
Տ է Լ է Ք օ Ն № 253.

Խմբագրութիւնը բաց է առաւօտեան 10—2 ժամ
(բացի կիրակի և առն օրերէն).

Յայտարարութիւն ընդունվում է ամեն լեզուով.

Յայտարարութիւնների համար վճարում են
իւրաքանչիւր բառին 2 կոպեկ.
Տ է Լ է Ք օ Ն № 253.

ՀԱՄԱՐԱՅԻՆ ԳՐԻԳՈՐ ԱՐԾՐՈՒՆԻ

ԲՈՎԱՆԴԱՌՈՒԹԻՒՆ

Երբ պէտք է իրագործվի.—Ներքին Տե-
ստիութիւն. Անգլիոյ թիւերը փաստաւոր գիւ-
ղացիների օգտին. Արձազանքներ. Բազուի
հայոց Մարգարեանի ընկերութիւնը. Նամակ
Ախալցխայից. Նամակ Մայիսից, Նամակ Աս-
խաբադից. Նամակ Նոր-Բայազետից. Նամակ
Խմբագրութեան. Ներքին լուրեր.—ԱՐՏԱՔԻՆ
ՏԵՍՏԻԹԻՒՆ. Այդ օրը շատ էլ հեռու չէ. Ար-
տաքին լուրեր.—Հնդկական.—ՅԱՅՏԱՐԱ-
ՐՈՒԹԻՒՆՆԵՐ.

ԵՐԵՎԱՆԻ ԻՐԱՎՈՐԾՎԻ

Պարսից գահաժառանգը, որ գտնվում է
Թաւրիզում, տուել է հայերին մի ֆիրման,
որով նա իր կողմից ևս ամրապնդում է այն
արտոնութիւնները, որ նրա թագաւոր
հայրը շնորհել է պարսկահայերի զարդա-
կան գործի վերաբերութեամբ: Գահաժա-
ռանգը համակրում է հայերի մշակած
զարդական ծրագրին և ցանկանում է
նրան աջող իրագործութիւն:

Ինքը պարսից կառավարութիւնն էլ
ներկայումս զբաղված է այն հարցով թէ
ինչ միջոցներով բարձրացնէ պարսիկների
կրթութեան գործը: Նա մտադրել է բանալ
զանազան կարգի դպրոցներ թէ մայրաքա-
ղաք թէ հրանում և թէ ուրիշ քաղաքներ
ում: Միևնուրեքի բարձր պաշտօնեա-
ների շրջանում նկատելի կերպով աւելացել
է այն անձանց թիւը, որոնք համակրում
են եւրոպական կրթութեան և համոզվել
են, որ նահապետական կարգերով ու
հին փորձերի պարսկով անկարելի է այլ
ևս կառավարել Պարսկաստանը և նրա ա-
պագան ապահովել անկողմից: Անկասկած
գիւշտ շատ կան ֆանատիկոս և տգէտ մար-
դիկ, որոնք խորթ են նայում օտար կուլ-
տուրայի ներմուծման և օտար աղբեղու-
թիւնների աւելանալուն Պարսկաստանի
մէջ: Բայց միևնուրեքի հայերն են, որ
կառավարչական շրջաններում գոնէ սկսել
են գնահատել եւրոպական քաղաքակրթու-
թեան բարիքները:

Այդպիսով հայերին տուած արտոնու-
թիւնները համապատասխանում են այն
համակրելի արամադրութեան, որ ունեն
ներկայումս պարսից կառավարչական շր-
ջանները գէպի կրթական գործը ընդհան-
րապէս: Պարսկաստանը ցանկանում է ունե-
նալ կրթված ու գիտութիւն ունեցող ժո-
ղովուրդ և կը պահանջար, որ այդպէս լի-
նէին և նրա հայ հպատակները, որոնք
արդէն աջող փորձեր էլ են արել զարդա-
կան ասպարէզում:

Սակայն պարսկահայերը շատ դանդաղ
են շարժվում և մինչև այժմ չէ իրագոր-
ծվել ոչինչ գործնական կենսական: Անկա-
կած նրանք սպասում են աջակցողների,
օժանդակողների, օգնողների և քաջալի-
րողների: Եւ մենք ամենքս էլ կը ցան-
կանայինք, որ սկսէին երևան գալ գործի
նպաստողներ իրանց նիւթական միջոցնե-
րով: Բայց չը պէտք է նպաստողների յոյ-
սով դանդաղեցնել գործի սկզբնաւորու-
թիւնը: Փորձերը մեզ ցոյց են տալիս, որ
սկսված գործը՝ ամենալաւ բարոյն է և
ամենաուժեղ կօը համակրողները զբաւե-
րու գէպի ինքը: Այդ պատճառով անհրա-
ժեշտ է, որ թէ հրանում և թաւրիզում
աշխատէին նոյն իսկ տեղական միջոցներով
նոր դպրոցներ հիմնելու սկզբնական քա-
լերն անելու և գրաւէին ընդհանուր ու-
շադրութիւնը անուրանալի փաստերով և
իսկական գործունէութեամբ:

ՆԵՐՔԻՆ ՏԵՍՏԻԹԻՒՆ

ԱՆԲԵՐՐՈՒԹԻՒՆԻՑ ՎՆԱՍՎԱՆ ԳԻՒՂԱՑԻ-
ՆԵՐԻ ՕԳՏԻՆ

Ստացանք Ախալքալաքի գաւառի գիւղացի-

ների օգտին. 1) Միևնուրեքի կայանից՝
Յարութիւն ֆալանգանից 10 ռուբլի, 2) Բա-
զուից՝ 5 ռուբլի և. Տէր-Թումանեանից 15 ռուբլի,
Յովհաննէս Տէր-Միքայելեանից 5 ռուբլի, Ն.
Բարսեղեանից 24 ռուբլի, Ասատուր Շահիջա-
նեանից 10 ռուբլի:
Ընդամենը 64 ռուբլի: Մինչև այժմ ստացել
ենք 485 ռուբլի:

ԱՐՏԱՔԱՆՔՆԵՐ XXXIX

Երբ հարցը իրանց ճակատի քրտնեղով հայ
աշխատողների մասին է, չը կայ այնպիսի ման-
րամանութիւն, որ արժանի չը լինէր հրապա-
րակախութեան ուշադրութեանը: Գուցէ այդ-
պիսի մանրամանութիւն համարվի այն, ինչի
մասին ես խօսելու եմ այսօր:

Թիֆլիսի բաղնիստները մի սովորութիւն
ունեն, որ չէ կարելի աշխատողների հարձա-
տահարութիւն չը համարել: Նրանք ոչ միայն
նոսր չեն տալիս իրանց բաղնիստներում լողա-
նողների պաշտօն կատարողներին, այլ և վերց-
նում են նրանցից այն փողերի մի մասը, որ
յաճախողները տալիս են նրանց իւր «թէյա-
գրամ»:

Ինչպէս ենք հարստահարութիւն անուանում
այդ սովորութիւնը: Անա ինչու:

Երբ բաղնիստ յաճախողները «թէյագրամ» են
տալիս իրանց լողանողներին, նրանք դրանով
չեն գնահատում լողանողների ամբողջ աշխա-
տանքը, որովհետեւ կարծում են, թէ այդ աշխա-
տողները ունենալ են ստանում բաղնիստներից,
ուրեմի իրանք նրանց վարձատրութեան մի մասը
արդէն վճարել են բաղնիստի մուտքի վճարի մէջ:
Այդ պատճառով յաճախողները տալիս են հա-
մեմատաբար չնչին գումար: Հակառակ դէպ-
քում, այսինքն թէ նրանք համոզված լինէին,
թէ այն, ինչ իրանք տալիս են աշխատողներին,
նրա միակ եկամուտն է լինելու և միակ ապ-
րուտի միջոցը նրա ամբողջ ընտանիքի հա-
մար, անշուշտ նրանք աւելի առատաձեռն կը
լինէին:

Ուրեմն հէնց այն, որ բաղնիստատէրերը ու-
նեն չեն տալիս աշխատողներին, այնպիսի
մի հանգամանք է, որ հարստահարութեան ըը-
նաւորութիւն է կրում: Բայց այդ բաւական
չէ: Բաղնիստատէրերը խլում են աշխատողու-
ների ձեռքից այն փողը մի մասը, որ ամենեւ-
ին իրանց չէր համարու, որովհետեւ ոչ ոք
«թէյագրամ» տալիս ի նկատի չունի բաղնի-
ստատէրին, իսկ թէ իմաստ, որ «թէյագրամ»
տալու է ոչ միայն աշխատողներին, այլ և բաղ-
նիստատէրին, անշուշտ աւելի կը տար, այնպէս
որ դարձեալ աշխատողի ձեռքում մի քիչ
աւելի կը մնար:

Պարզ է, որ բաղնիստատէրերի մէջ ընդուն-
ված այդ սովորութիւնը անարդար է և ան-
պատուաբեր: Այդ զգում են, ինչպէս երևում է,
և իրանք բաղնիստատէրերը Գոնէ մեր ունե-
ցած տեղեկութիւններին նայելով, նրանցից մի
քանիսը գրաւոր խոստում են տուել իրանց
աշխատողներին այլ եւս չը պահանջել նը-
րանցից այդ տուրքը:

Ինչն է խնդրում ըլլալ բաղնիստատէրե-
րին հետեւել այդ համակրելի օրինակին: Միթէ
այն, ինչ անպատուաբեր և անարդար է մի
քանիսի վերաբերմամբ, անպատուաբեր և ա-
նարդար չէ միւսների վերաբերմամբ:

Տ. Յ.

ԲԱՅՈՒՆԻ ՀԱՅՈՑ ՄԱՐԴԱՍԻՐԱԿԱՆ ԸՆԿԵ- ՐՈՒԹԻՒՆԸ

III

Ընկերութեան տարեկան ընդհանուր ժողովը,
ինչպէս երկրորդ անգամ որոշված էր, տեղի
ունեցաւ փետրվարի 24-ին, նախագահութեամբ
Բ. Դուրախանեանի: Ներկայ էին յիսունի չափ
անդամներ և բաւականաչափ ունկնդիրներ
երկու սեղան: Նախ քան վարչութեան գործու-
նէութեան զեկուցադրի ընթերցումը, նախա-
գահի առաջարկութեամբ, ժողովականները, ոտի
կանգնելով, յայտնեցին իրանց յարգանքը հա-

ղուցեալ Ե. Բուդաղեանի յիշատակին՝ ընկե-
րութեան 20,000 ռ. նուիրած լինելու համար:
Ապա տեղի ունեցաւ զեկուցադրի ընթերցումը,
որի մասին համառօտ կերպով արդէն հաղորդ-
ված է «Մշակի» ընթերցողներին:

Բացի վարչութեան գործունէութեան զեկու-
ցադրի ընթերցումից՝ տեղի ունեցաւ ընկերու-
թեան «գրադարան-ընթերցարանի» հաշուառու-
թիւնը, որից երեւաց, որ առ 1-ն յունվարի
1901 թ. ի գրադարանն ունի 8189 գիրք
12609 հատորներով, արժողութեամբ 21,123 ռ.
65 կ. Այդ գրքերից 2196 հատոր հայերէն է,
6874 հատոր ռուսերէն, իսկ 45 հատոր ուրիշ
լեզուներով: Պարբերական թերթեր՝ 357 հա-
տոր հայերէն, 3021 հատոր ռուսերէն, իսկ
116 հատոր ուրիշ լեզուներով: 1900 թ. ի ըն-
թացքում գրադարանն ունեցել է 1097 նոր
բաժանորդ, որոնցից 848 տղամարդ, 249 կնա-
մարդ: Ըստ ազգութեան, դրանք բաժանվում
են հայեր 421 կամ 38%, ռուսներ 392 կամ
36%, ուրիշ ազգերից 284 կամ 26%: Ինչպէս այդ
տեղեկութիւններից ակնյայտի երևում է, ռուս
և միւս օտարազգի բաժանորդները համարեա
մէկ ու կէս անգամ աւել են քան հայերը: Այդ
բաժանորդներից առաջին տեղը ընում են ա-
շակերտներ, ապա մասնաւոր ծառայողներ
մէջ գտնվողներ, վաճառականներ, արհեստա-
ւորներ և այլն: Վերջում գրքերի և ամսա-
գրքերի թիւը հասնում է 26224-ի, որոնցից
ռուսերէն 24,191, հայերէն 1984, ուրիշ լե-
զուներով 49: Վերածելով ըստ բաժանմունքի,
այդ 26224 գրքից 19,022-ը վերաբերում է վի-
պասանութեան, մնացածներից 2709 ամսա-
գրքեր, 935 պատմական-աշխարհագրական, ճա-
նապարհորդական, 590 փիլիսոփայական, լե-
զուաբանական ու մանկավարժական և այլն:
Ըստ հեղինակների, արված ուսումնական գրքերը
բաժանվում են այսպէս՝ 447 անգամ Նեմիրո-
վիչ-Դանկինսկոյ, 341 անգամ Միխայլով, 263
անգամ Պոստպետկոյ, 252 անգամ Կրիստովսկի,
246 անգամ Սալիստ, 243 անգամ Լ. Տոլստոյ,
236 անգամ Սոյոլսկոյ, 151 անգամ Տուրգենևի,
147 անգամ Դոստոևսկի և այլն: Ուրիշ ազ-
գերի հեղինակներ՝ Ժիւլ-Վերն 246 անգամ,
Չոյա 232 անգամ, Էմար 230 անգամ, Շպիլհա-
գէն 214, Սենկեվիչ 213, Դոստ 211, Դուստ 208
Դիկինս 205 և այլն: Դրանք հայերէն 1984
գրքերից շրջադարձ է եղել: Բաժնի 206 ան-
գամ, Պոստպետկոյ 57, Շիրվանզադէ 44, Լէօ 31,
Մերկու 24, Աղայեան 21, Պատկանեան 16,
Փափաղեան 16, Պարոնեան 15, Շահապեղեան
14, Սուրդուկեան 12, Տիւսար և Ասրպետ 10-
ական, Արեւիկան և Այվազեան 9-ական և
այլն:

Ընթերցարանում ստացվել են պարբերական
թերթեր 61 հատ, որոնցից 47 հատ ռուսերէն,
13 հատ հայերէն, 1 հատ ֆրանսերէն: Ընթեր-
ցարան յաճախողների թիւը եղել է մօտաւո-
րապէս 22782, որոնցից հայեր 16676, ռուս-
եր 3436, ուրիշ ազգերից 2670: Յաճախողներ
ի մէջ կանանց թիւը շատ չնչին անոն է
կազմում: Ընդհանրապէս վերջում թէ ընթեր-
ցարանը և թէ գրադարանը զգալի կերպով
ծաղկում, զարգանում և ընդունելութիւն են
գտնում: այդ են ապացուցանում գոնէ վերջին
տարիների տեղեկութիւնները:

1898 թ. բաժանորդների թիւը եղել է 663,
վերջին են գրքեր 15410 էր: 1899 թ. բաժա-
նորդների թիւը եղել է 888, վերջին են գրքե-
րը 20640: 1900 թ. բաժանորդների թիւը ե-
ղել է 1047, վերջին են գրքեր 26224: 1898
թ. գրադարանում եղել է 7173 գիրք, 11029
հատորներով, արժողութեամբ 18708 ռ. 14 կ.:
1900 թ. եղել է 8189 գիրք, 12609 հատորնե-
րով, 21123 ռ. 65 կ. արժողութեամբ:

Ի լրումն այդ բոլորի պէտք է աւելացնել,
որ գործի գլուխ է անցել բարձրագոյն կրթու-
թիւն ունեցող գրադարանապետ, որ գիտակ-
ցաբար և բարեխղճօրէն վարում է իր ստան-
նած գործը:

Գրադարան ընթերցարանից յետոյ ընկերու-
թեան ձեռնարկութիւնների մէջ երկրորդ տեղը

ընում է ձրի ճաշարանը, որը սկիզբն է առել
անցած տարվայ ապրիլի 20-ից: Ճաշարանը
կառավարել է կանանցից կազմված մի մասնա-
ժողով: Միասնակ է ճաշարանի վրա 2271 ռ. 46
կօպ. ութ ամիս 10 օրվայ ընթացքում: Այդ ժա-
մանակամիջոցում արված է 31520 բաժին ճաշ:
Միջին թուով օրական արվել է 123 բաժին ճաշ,
արժողութեամբ 7, 1/2 կօպ. իւրաքանչիւր ճաշը:

Փետրվարի 24-ին տեղի ունեցած նիստի շա-
րունակութիւնը յետաձգվեց հետեւեալ օրվան,
կիրակի, փետրվարի 25-ին: Այդ նիստին հա-
տաովեց նախընթաց տարվայ երեւմուտքի հա-
շիւը և ներկայ 1901 թ. նախահաշիւը: Ըստ
նախահաշիւ ծախս է նշանակված 26,300 ռուբ-
լի, որից 4950 ռուբլի մշտական նպաստների՝
տան վարձի, անդի, անդի, բժշկիչը, շորերի,
թղթան և այլն և այլն, 5000 ռ. գրադարան-
ընթերցարանի համար, 3000 ռ. ճաշարանի հա-
մար, 4000 ռ. աշխատանքի տուն բաց անելու
համար:

Նիստի վերջին տեղի ունեցան վարչութեան
անդամների և վերատուգող յանձնաժողովի
լրացուցիչ ընտրութիւններ:

Աւելացնելով և նորընտիր անդամներին, Մար-
գարիական ընկերութեան վարչութիւնը այս
կազմն է ստանում՝ տիկին Եղիսաբեթ Սարգ-
սեան, Սամսոն Յարութիւնեան, Ներ. Աբէլեան,
Յովհ. Սարգսեան, Յովհ. Բեկլեան, Ն.
Դաւթեան, Կ. Խատիբեան, Անուշ. Բալասթար
և Աստ. Վախանյ, փոխանորդներ՝ Յակ. Գո-
չարեան և Յովհ. Ամիրեան: Վերատուգող
յանձնաժողովը կազմում են՝ Կ. Սարգսեան,
Յակ. Խոջամիրեան և Յ. Մարգարեան:

Այդ նիստին, վարչութեան առաջարկութեան
համաձայն, ընդհանուր ժողովը պատուաւոր ան-
գամ ընտրեց պ. Աստուածատուր Կաճկաճեան-
ցին, որ հիւանդութեան պատճառով հարկադր-
ված է հրաժարվել վարչութեան անդամու-
թիւնից:

Ն. Դաւթեան

ՆԱՍԱԿ ԱՌԱՋԻՆՍԻՑ

Փետրվարի 28-ին

Գաղաքիս ս. Փրկիչ եկեղեցու երէցփոխանա-
կան հարցը, քիչ զաւար առնելուց յետոյ, այ-
ժմ կրկին սկսեց աւելի ևս բարդանալ: Փե-
տրվարի 21-ին, կոնսիստորիայի հրամանով
տեղւ ժամանեց նորընտիր լիազօր քննիչ Մ.
Քան. Մեկնանցը, և միւս օրը հոգեւոր կառա-
վարութեան միջոցով ծխականների քննիչ մաս-
նաժողովից պահանջեց՝ երէցփոխանական բո-
ւր ժառանգները և քննութեան գործերը՝
միայնակ և վերստին քննելու համար: Սա-
կայն քննիչ մասնաժողովը, այդ բանը գրա-
նելով հակառակ օրէնքի, մերժեց Մեկնան քա-
հանայի պահանջը...

Թէ ըստ նախնական աւանդութեան, թէ
ըստ «պօլեմիսիայի» և թէ նոյն իսկ համա-
ձայն յուլիսի 9-ին ծխականների ժողովով կազ-
մած համախօսականի, քննիչ մասնաժողովը
պարտաւոր է՝ մատենաները և իր քննու-
թեան արգելքը յանձնել նախ ծխականների
ժողովին, որը իր կողմից պիտի յանձնէ հոգե-
ւոր իշխանութեան հայեցողութեան, իսկ նախ
քան այդ ժողովը, քննիչ մասնաժողովը անկա-
րող է որ և իցէ մէկին թղթեր յանձնել:
Այս պատճառով տեղի ունեցան Մեկնան քա-
հանայի և քննիչ մասնաժողովի մէջ թեր և
զէմ խօսակցութիւններ և վիճաբանութիւն-
ներ: Միւս կողմից էլ ծխականները 101 ստո-
րագրութեամբ մի խնդրագիր ուղարկեցին
Թիֆլիս՝ Վեհափառ Վարդապետին, որով, բողո-
քելով կոնսիստորիայի նոր լիազօր քննիչ
ուղարկելու գէմ, խնդրում են յետ կանչել
Մեկնանցին և իրաւունք տալ, օրէնքի համա-
ձայն, նախ ծխականների ժողով անել, այլապէս
նրանք չեն ճանաչում հայր քննիչին: Բացի
սրանից մի հեռագիր էլ նոյն անունով ուղար-
կեց քննիչ մասնաժողովը, որ յայտնում է,

Թէ չէ կարող մատնաները յանձնել Մեկեան քահանային, մինչև որ, համաձայն համախօսականին, ծխականների ժողովը չը գումարվի:

Ահա այս դրութեան մէջ է այժմ երէցփոխանական գործը մեղադրութեամբ ժողովուրդը սաստիկ դրդուած է կօնսիստորիայի անկանօն կարգադրութիւնները դէմ, իր իրաւունքները բռնաբարված է տեսնում եւ իր կազմած համախօսականները անդոր:

Ժողովուրդը սպասում էր, որ Վեհափառ Կաթողիկոսի կարգադրութեամբ շուտով յետ կը կոչվի լիազօր քննիչը եւ ծխականների ժողովը կը նշանակվի: Բայց իրողութիւնը ուրիշ բան ցոյց տուեց... Այսօր Կաթողիկոսի դիւանատնից մեր հոգեւոր կառավարութիւնը մի հեռագիր ստացաւ, որով Վեհափառը հրամայում է, որ անպայման ստանան ծխականների քննիչ մասնագործի ձեռքից երէցփոխանական բոլոր մատնաները ու քննութեան գործերը եւ յանձնեն Մեկեան քահանային միայն ակ քննելու...

Սակայն նախ քան այդ հեռագիր ստանալը, Մեկեան քահանան պայմանաւորվել էր քննիչ մասնագործի հետ եւ համաձայնութիւն կայացրել ստանալ քննիչ մասնագործի մատնաները եւ բոլոր քննութեան գործերը, այն պայմանով, որ բոլոր հարկաւոր գրութիւնների պատճենները, հոգեւոր կառավարութեան վաւերացմամբ, վերջին քննիչ մասնագործի իր մօտ, եւ բացի դրանից Մեկեան քահանան քննութիւնը կատարէ քննիչ մասնագործի նախագահ՝ պ. Յ. Մուրադեանի հետ միասին: Թէ ինչպէս կը վերջանայ գործը, առ այժմ դրականապէս ոչինչ չկնք կարող ասել, միայն Մեկեան քահանան կիրակի, փետրվարի 25-ին, եկեղեցում ասած իր քարոզի մէջ յորդորեց եւ խոստացաւ ժողովուրդին գործը քննել արդարութեամբ:

ՆԱՄԱԿ ՄԱՅԿՈՊԻՑ

Փետրվարի 15-ին

Մայիսի 1-ին թուական թուով հայեր են ապրում, գաղթած դահապան տեղերից՝ պիտուրապէս Հին-Նախիջևանի գաւառից եւ Թուրքիայից: Մի քանի տարի սրանից առաջ՝ մայիսի 1-ին կողմերը եկեղեցի ունենալու պահանջ են դրում եւ քաղաքից տեղ խնդրում: Քաղաքային դռման, յարգելով հայերի խնդրքը, 1895 թ. յունիսի 7-ի նիստում վճռում է յատկացնել հայոց եկեղեցու համար մի ընդարձակ կտոր հող (2,800 քառ. սաժ.) հին եւ նոր քաղաքամասերի սահմանագլխին, մի շատ յարմար եւ կենսորձական տեղ:

Դռմանի այդ որոշումը առաջարկվում է Կոնստանդնուպոլսի կառավարչի հաստատութեանը, որը, ըստ երեւոյթին, չէ մերժում: Հայերը չըջապատում են այդ տեղը ցանկապատով եւ սկսում են շինութեան համար քար ու աղււս կրել:

1898 թ. յունիսի 25-ին մի քանի ձայնաւորներ գրաւոր դիմում են դռմային եւ առաջարկում վերաքննել հայոց եկեղեցու տեղի հարցը եւ տալ հայերին մի ուրիշ տեղ: Դռման իր 1899 թ. յունիսի 14-ի նիստում կրկին անգամ որոշում է թողնել վերոյիշեալ տեղը հայերին: Ձայնաւորներից երկու հոգի առանձին կարծիք են յայտնում, որը Կոնստանդնուպոլսի կառավարչի կողմից թողնվում է առանց հետաւանքի:

1900 թ. յունիսի 28-ին Կոնստանդնուպոլսի կառավարչի առաջարկում է քաղաքագլխին այդ հարցը նորից քննել դռմայում եւ հայոց եկեղեցու համար յատկացնել մի ուրիշ տեղ: Դռման, նոյն թուականի յունիսի 2-ին քննելով չըջանի կառավարչի առաջարկութիւնը, որոշում է յետաձգել վերջնական վճիռ կայացնելը, մինչև կը ստացվին չըջանի կառավարչից հայոց եկեղեցու նախագիծը եւ թույլտուութեան թղթերը:

Սեպտեմբերի 1-ին վերոյիշեալ թղթերը ստանալով, դռման նորից քննում է հարցը: Գաղտնի քուէարկութեամբ (12 ձայն քնդէմ 6-ի) որոշում է թողնել հայերին 1895 թ. յունիսի 7-ին կայացած նիստում յատկացրած տեղը:

Շրջանի կառավարիչը, չը համաձայնվելով դռմայի այդ որոշման հետ, յանձնում է գործը Կոնստանդնուպոլսի քաղաքային գործերին վերաբերելու ատենին, որը քննելով դռմայի վերջին որոշումը՝ մերժում է այդ որոշումը:

Մայիսի 1-ին դռման, ստանալով վերոյիշեալ ատենի այդ վճիռը, 1900 թ. յունիսի 15-ի նիստում որոշում է բողոքել կառավար-

չական անատին այդ վճիռ դէմ եւ լիազօրութիւն է տալիս քաղաքագլխին պ. Իվանովին այդ գործը առաջ տանել:

Ինչպէս տեսնում էք, հարցը երկար է ձգեցվում:

Անցեալ աշնանը հայ հասարակութիւնը դիմում է Աստրախանի թեմի առաջնորդին եւ խնդրում մի կրթված քահանայ: Արիտակէս սրբադաւը յարգում է մայիկոպցիների խնդրքը եւ նշանակում Վահան քահ. Ասկարեանցին, որը սեպտեմբերի սկզբներին գալիս է Մայիկոպ:

Վերջապէս մայիկոպցիները ունենում են իրանց սեփական քահանան: Վարձվում է մի տուն, ուր լինում է ժամերգութիւն բացի պատարագից: Ասկարեան քահանայի գալուց յետոյ եկեղեցու շինութեան հարցը կրկին յարուցվում է եւ այժմ աւելի բըռն եռանդով: Թունվարի 28-ին, առաւօտեան ժամերգութիւնից յետոյ, քահանան խնդրում է ժողովականներին չը հեռանալ, եւ այսպիսով կազմվում է մի բաւական բազմամարդ ժողով: Առաջարկվեց եկեղեցու շինութեան հարցը:

Միակամներից մի քանիք առաջարկում էին կրկին անգամ դիմել քաղաքային դռմային եւ խնդրել մի ուրիշ տեղ: Միւսները առարկում էին, թէ չարժէ դիմել, որովհետեւ քաղաքը մի ուրիշ յարմար տեղ չունի. ազատ տեղերը քաղաքի կենտրոնից հեռու են եւ ուրեմն անյարմար եկեղեցու համար: Աւելի լաւ է գնել տեղ եւ անմիջապէս ձեռնարկել եկեղեցու շինութեանը:

Այս վերջին առաջարկութեանը սկզբունքով բոլորը համաձայնութիւն տուին, միայն մասնաւորացի էին անում այն հանգամանքը, որ հասարակութիւնը այնքան էլ մեծ միջոցներ չունի, որ կարողանայ համ մի փոքր ի շատ վայելուչ եկեղեցի կառուցանել, համ էլ տեղը գնել, որը անուսաղը 2500 ր.—3000 ր. կարժենայ:

Այդ ժամանակ տեղից վերկացաւ աղօթատան երէցփոխ պ. Մակար Թերզեանը եւ առաջարկեց հասարակութեանը ընտրել եկեղեցու համար մի յարմար տեղ եւ խոստացաւ՝ ինչքան էլ որ լինի՝ իր հաշուով գնել այդ տեղը եւ նուիրել եկեղեցուն: Ժողովականները յայտնեցին նրան իրանց անկեղծ շնորհակալութիւնը ու իսկոյն եւ թէ ցոյց տուին մի շատ յարմար տեղ, որ եւ վճարեց գնել:

Այսպիսով վերջապէս, այսօր տարի ձգեցվելուց յետոյ, վճարեց եկեղեցու շինութեան հարցը: Ուրեմն մնում է ցանկալ մեր քահանային, երէցփոխին եւ Մայիկոպի հայ հասարակութեանը եռանդ եւ աշխուժութիւն՝ այդ ցանկալ գործը, որքան կարելի է շուտով, դրուել բերելու:

ՆԱՄԱԿ ԱՍԽԱՍԱԳԻՑ

Փետրվարի 24-ին

Վերջերս մամուլի մէջ երեւացող անընդհատ յորդորները՝ քահանաներին ոտնիկ սահմանելու անհրաժեշտութեան եւ նրա օգտակարութեան մասին՝ արձագանք են գտել նաեւ տեղիս հայ հասարակութեան մէջ, որը շատ համակրութեամբ է վերաբերվում այդ առաջարկութեանը: Այս վերջին ժամանակներս, Թաղէտ քահ. Առովմանի շնորհւել, գտնվեցին մի քանի անձնաւորութիւններ, որոնք արդէն աշխատում են այդ գործը անպատճառ դուրս բերել: Հաղորդելով այս ուրախալի լուրը, մենք յոյս ունենք, որ մեր այդ շնորհ ցանկութիւնը կիրականանայ մօտ ապագայում:

Մեզ արդէն յայտնի է, թէ ինչ ձեւով պէտք է ծխականների վրա տուրք նշանակել: Մենք վերցնում ենք Բաթումում գոյութիւն ունեցած ձեւը:

Ասխաբադում կան մօտ 400 տուն հայեր, որոնցից 300-ը (100 տունը չքաւոր են) համարում է շատ հեշտութեամբ կարող է տեղիս երկու քահանաներին ապահով կապութեան մէջ գնել, տարեկան որոշ ոտնիկ սահմանելով նրանց: Թիւիւ 300 տուն ծուրը կարելի է բաժանել 5 զաւակարգի, հետեւեալ ձեւով. 1) 20 տուն, իւրաքանչիւրը կարող է տալ 20 ր. տարեկան եւ կը ստացվի 400 ր., 2) 50 տուն, իւրաքանչիւրը 15 ր.—750 ր., 3) 100 տուն, իւրաքանչիւրը 10 ր.—1000 ր., 4) 70 տուն, իւրաքանչիւրը 5 ր.—350 ր., եւ 5) 60 տուն, իւրաքանչիւրը 3 ր.—180 ր.: Ընդհանուր դուրս ստացվում է՝ 2680 րուբլի:

Մեր աղօթատան բազում (նախկին ուսումնարանում) եկեղեցուն վարձ տալով բնակվում են մեր երկու քահանաները. տալ իւրաքանչիւր քահանային տարեկան ոտնիկ 1200 ր. եւ ազատել տան վարձից—ահա այսպիսով կը ստեղծվի մի ապահով դրութիւն:

Ուրեմն երկու քահանաներին ոտնիկ տալուց յետոյ ընդհանուր գումարից մնում է գնա եւս 280 ր., որը կարելի է գործարքել եկեղեցու այլ կարիքների համար:

Եւ եթէ իսկապէս իրականացաւ այս գիշերի միտքը, այն ժամանակ միանգամայն կը վերանան տեղիս քահանաների մէջ տեղի ունեցած անվերջ երկպառակութիւնները եւ երկու հակառակ կուսակցութեան բաժանված ժողովուրդն էլ, որի պատակտման պատճառն էլ դարձաւ քահանայական խնդիրն է, կը միանայ, այլ եւս անկարող լինելով գտնել իրար դէմ լարվելու մի որ եւ է պատրուակ:

Թ. Մ. Թումանեան

ՆԱՄԱԿ ՆՈՐ-ԲԱՅԱԶԷՏԻՑ

Փետրվարի 25-ին

Անցեալ տարվայ «Մշակ» № 119-ում նկարագրեցի մօտակա Նորադուղ գիւղի անտեսական դրութիւնը: Սրանով էլ կամենում եմ մի քանի լրացուցիչ տեղեկութիւններ հաղորդել այդ նոյն գիւղի մասին, որ բաղկացած է մօտ 300 տուն զուտ լուսաւորչական հայերից:

Հակառակ անցեալ տարիների անարդասաւորութեան, այս տարի ընտելութիւնը քաղցրացել էր այդ գիւղականներին եւ հողագործական բաւարար արդիւնքով ժողացնել տուեց նրանց կրած վիշտը: Հայահափառների արդիւնքը յիշուի պատկեց ժողովուրդի յոյանը, որոնք այնքան ի դեր եւ ինչ նախկին տարիները:

Նորադուղի ժողովուրդը գաղթել է մեր կողմերը թիւրքաց Հայաստանից 1828 թ. ի ուսումնական պատերազմի միջոցին, գրեթէ միաժամանակ, երբ այստեղ են գաղթել նաեւ Նոր-Բայազէտի բնակիչները: Գիւղում գտնվում է մի ընտանիք՝ Սուրբ Նշանեց տունը, որտեղ պահվում են «Արար սուրբ Նշան» անունով մատուցները, որոնք կազմում են արծաթեայ խաչի, աւետարան՝ արծաթեայ կազմով եւ սրբերի մասունքներ, թուով եօթ հատ: Անյարմարութիւնը նրանումն է, որ այս սրբազան մասերը տեղաւորված են մի փոքրիկ խցում, որի դուռը բացվում է գիւղական տան մէջ, որտեղ քնում են տան ընտանեւորները: Այդ խցում առատապէս բացված է մի փոքրիկ լուսամուտ, որտեղից ցերեկները օդն է միայն թափանցում եւ լուսաւորում խոնար սրբարանը, իսկ գիշերները ձկնի ձկնութեան է պէճին տալիս:

Թէ Նոր-Բայազէտից եւ թէ չըջակայ գիւղերից շատ ուսաւորներ են գալիս «Արար սուրբ Նշան» դուռը, ոմանք բժշկվելու, ոմանք իրանց մուրալին հանելու, ուստիաները կատարած տեսնելու նպատակով: Գնալ քանի անգամ խօսք է բացվել, որ այդ մասունքները հանեն այդ մասնաւոր ընտանիքից եւ բերեն Նոր-Բայազէտի եկեղեցու գնալ Բայց այդ անկարելի է եղել, որովհետեւ այդ մտքին հակառակ է ոչ միայն ռուսը, Նշանեց տունը, այլ եւ գիւղի հասարակութեան մեծամասնութիւնը: Հէնց նախանցեալ տարի, ինչպէս լսեցի, տեղական գործակալի հրամայով կամեցել են զօտով բերել տալ այդ մասունքները Նոր-Բայազէտ, բայց գիւղի ժողովուրդը, մօտ 50 տուն, վրէժով ցանկութիւն էր յայտնել դաւանափոխ լինելու (որքան յիշում եմ «Մշակում» յայտնված էր այդ մասին): Բայց այնուամենայնիւ նրանք յետ են կացել իրանց մտադրութիւնից, սակայն այն ժամանակ միայն, երբ կրկին թոյլ են տուել, որ ռուսը Նշանը մնայ իրանց գիւղում: Ժողովուրդը պարծենում է իր նմով, որ ինքը հաղթել ու մի չարարանք կրելով հաղի է կարողացել այդ սուրբ մասունքները ազատել թիւրքաց գիւղութիւնից եւ բերել այս կողմերը, հետեւապէս իր սեփականութիւնն է համարում: Այդ է գուցէ պատճառը, որ Նորադուղի ժողովուրդը ոչ մի կրպով չէ համաձայնում բաժանվել այդ մասունքներից, չը նայելով որ ոչ մի նիւթական չօղակիլ օգուտ էլ չունի նրանից, ինչպէս այդ կարծում են շատերը: Սուրբ Նշանի ամբողջ եկամուտը տարվայ ընթացքում կազմում են մի քանի ջուրի մասեր, մի քանի մսիսալ խունի, որոնք վաճվում եւ ծովում են ս. Նշանի սիրոյ համար, քանի մի մատաղացու ոչխարներ, հաւեր, զանաւ եւ այլն, որոնք մորթվելով նրա դուռը՝ բողբապէս բաժանվում են թէ աղքատներին եւ թէ իրանց, ուստաւորների մէջ: Իսկ ուրիշ, դրամական նուէրների թիւը հազիւ թէ անցնի մի քանի կօպէկներից: Սակայն, ի դժբախտութիւն ուստաւորների, վերջերս վախճանվել է Վ. Նշանի իսկական սեփականատէրը՝ Մուրադեան, որը բոլոր ուստաւորներ-

ին համար միշտ եւ ամեն ժամանակ անուշ ձայնով երգում էր «Տէր-ողորմեան» եւ իր տան հացից նրանց իբր «նշխար» բաժանում:

Ս. Նշան ուստաւորին իսկապէս պարծանք է համարվում յիշեալ Նորադուղ գիւղի համար շատ տարիներից ի վեր: Թողնեմ, ուրեմն, ընթերցող, որ այդ գիւղի բնակիչներն էլ աւելի երկար ժամանակով պարծենան իրանց այդ աղքատին—կրօնական սրբութիւններով, առանց գիւղելու նրանց կրօնական զգացմունքին, որ շատ գիւղականների կեանքի յենակէտն է համարվում...

ՆԱՄԱԿ ԽՈՐԱԳՐՈՒԹԵԱՆ

Մօակվա, փետրվարի 21-ին

Խնդրում ենք «Մշակ» մէջ տեղ տաք հետեւեալ գեկուցմանը:

Ահա արդէն երկու տարի է, որ Մօակվայի հայ հասարակութեան մեծ մասը եւ ամբողջ հայ ուսանողութիւնը յուզված են այն ամբաստանութիւնով, որը բարձել էին տիկին Դիւլպեմանի վրա նախ պ. Թումանեան եւ այսպ. պ. Ե. Թաղանտեան: Տիկին Դիւլպեմանին ամբաստանվում էր նրանում, որ 1898 թ. «Հայկական երկկողմի» ժամանակ հայիչները դիտաւոր խառնել էր եւ սեփականացրել հասարակական փողերը:

Այս գործը պարզելու համար 1900 թ. դեկտեմբերի 17-ին կազմվեց միջնորդ դատարան, որը ներկայ փետրվարի 13-ին կայացրեց իր վճիռը: Առաջ ենք բերում բառ առ բառ վճիռը զատմանը.

«Երկու փետրվարի 13-ին տ. Մ. Դիւլպեմանի եւ պ. Ե. Թաղանտեանի վերաբերմամբ կազմված միջնորդ դատարանը (նախագահութեամբ երրորդաւ հաստատարատար պ. Ա. Յակոբեանի եւ անդամակցութեամբ պ. պ. Վ. Լուսինյանի, Ս. Էյրանեանի, թ. Կ. Վլախանի եւ Գ. Բուրջալեանի), կայացրեց հետեւեալ վճիռը. անհիմն համարելով պ. Ե. Թաղանտեանին տ. Մ. Դիւլպեմանի դէմ յարուցած ամբաստանութիւնը, որ իբր թէ վերջինը սեփականացրել էր հասարակական փողեր, միջնորդ դատարանը համարում է տ. Դիւլպեմանիին արդարացած, ի նկատ առնելով, որ բոլոր հանգամանքները մանրակրկիտ քննելուց յետոյ, նրա վարածքի մէջ չէ նկատվում ոչինչ, որ կարող էր առիթ տալ նրա վրա այդ տեսակ ծանր մեղադրանք բարձելուն, մի եւ նոյն ժամանակ երբ յանդիմանութիւնները պէտք է լինէին միմյանց երեկոյթի զլլատուր գանձապահ պ. Թումանեանին, որ թոյլ էր տուել զանազան անկարգութիւններ ու զանցաւորութիւններ կատարել վերաբերմամբ. աչքի առաջ ունենալով բոլոր յանձնարարի ծառայութիւնները տ. Դիւլպեմանիին կողմից հայ հասարակութեանը եւ ուսանողութեանը, — դատարանը համարում է մեղադրանքն էլ վերին աստիճանի անբարեխիղճ, իսկ մեղադրողին պարտաւորեցնում է հրապարակապէս ներողութիւն խնդրել տ. Մ. Դիւլպեմանիին: Նախագահ՝ Ա. Յակոբեան: Դատաւորներ՝ Կ. Վլախան, Գ. Բուրջալեան:

Դատաւորներից պ. պ. Էյրանեան եւ Լուսինյան (որոնք պ. Թաղանտեանին կողմից էին յայտնել են առանձին կարծիքներ): Էյրանեանի կարծիքը. «Համարում եմ տ. Դիւլպեմանիին անմեղ հայիչները դիմամբ խառնելու եւ հասարակական փողեր սեփականացնելու մէջ 1898 թ. «Հայկական երեկոյթի» իսկ ներկայ գործի ծագումը բացատրում եմ երեկոյթի ժամանակ թոյլ տուած անկարգութիւններով:

Պ. Լուսինյանի կարծիքը. «Անհնարին եմ համարում վճռականապէս կարծիք յայտնել տ. Դիւլպեմանիին անմեղութեան կամ մեղաւորութեան մասին. իսկ ինչ վերաբերում է ամբաստանութեան չարատուութեանը, ես այդ հարցում խիստ կերպով տարբերվում եմ միւս երեք դատաւորների վճիռից, որովհետեւ պ. Ե. Թաղանտեանի համաձայն իր յայտարարութեան դատարանի առաջ՝ սկսելով ուրիշների հետ իր բողոքը 1898 թ. երկկողմին թոյլ տուած գեղծումների դէմ, ձեռքի տակ ունէր վկայագրեր, որոնց օգնութեամբ նա յոյս ունէր լիովին ապացուցել յանցանքը, սակայն այդ նոյն իսկ վկայագրերը, մեղադրողի ասելով, անհետացել են անկախ իր կամքից»:

Երկու կողմից էլ թէ ամբաստանող եւ թէ ամբաստանված, նախ քան դատը սկսելը, ստորագրութիւն են տուել հպատակվել դատարանի վճիռին:

Ուսանողներ

ՆԵՐՔԻՆ ԼՈՒՐԵՐ

Կիրակի, մարտի 4-ին, Թիֆլիսի միջնակարգ դպրոցներից մի քանիսի եկեղեցիներում կատարվեցին հոգեհանգիստներ ժողովրդական լուսաւորութեան միջնորդ Բօգոյէպովի յիշատակին: Հոգեհանգիստների ժամանակ ներկայ էին բացի աշակերտներից եւ ուսուցչական խմբից նաեւ բարձրաստիճան անձինք:

Ներկայ 1901 թուականին Անդրկովկասի քաղաքները եւ ավանները պէտք է իրանց անշարժ գոյքերի համար տուրք վճարեն հետեւ-

